

Na osnovu Poglavlja IV Odjeljak /A/, člana 23., Poglavlja VIII član 62. Ustava Bosansko – podrinjskog kantona Goražde (Službene novine Bosansko – podrinjskog kantona Goražde, broj:8/98, 10/00, 5/03 i 8/04), Skupština Bosansko – podrinjskog kantona Goražde, na sjednici održanoj, dana _____, usvojila je :

AMANDMANE XLIX - LVIII

NA USTAV BOSANSKO PODRINJSKOG KANTONA GORAŽDE

AMANDMAN XLIX

U članu 2. u stavu 2. riječi „Općine Goražde“ zamjenjuju se riječima „Grada Goražde“.

AMANDMAN L

U članu 3. u drugom redu iza riječi „Goražde“ stavlja se zarez i dodaju riječi „Gradu Goražde“.

AMANDMAN LI

U članu 5. stav 1. mijenja se i glasi:

„Teritorij Kantona obuhvata Grad Goražde i općine: Foča u Federaciji BiH i Pale u Federaciji BiH, čija su područja utvrđena Zakonom Federacije“.

AMANDMAN LII

U članu 19. u stavu 1. u trećem i petom redu iza riječi „prenositi na“ dodaju se riječi „Grad Goražde i“.

AMANDMAN LIII

U članu 23. u tački k) iza riječi „Kantona na“, dodaju se riječi „Grad Goražde“ i stavlja se zarez (,).

AMANDMAN LIV

U članu 28. u stavu 2. u tački c) iza riječi „nadležnosti na“ dodaju se riječi „gradsku“ i stavlja se zarez (,).

AMANDMAN LV

U članu 35. u tački f) iza riječi „stanovništva Kantona“, stavlja se zarez i dodaje riječ „Grada“.

AMANDMAN LVI

Iza Poglavlja IV, dodaje se novo Poglavlje V koje glasi: "Položaj Grada Goražda", a dosadašnja Poglavlja V, VI, VII i VIII, postaju Poglavlja VI, VII, VIII i IX.

AMANDMAN LVII

U Poglavlju V dodaju se novi članovi 50., 51. i 52. koji glase:

Član 50.

Obrazovanje Grada Goražda

Na području Kantona obrazuje se Grad Goražde (u daljem tekstu: Grad) kao jedinica lokalne samouprave koja je uspostavljena zakonom, a predstavlja stanovništvo Grada, štiti njihov interes i promovira razvoj.

Teritoriju Grada čine sva naseljena mjesta koja su se prema evidenciji Federalnog zavoda za statistiku nalazila u okviru Općine Goražde.

Član 51.

Nadležnost Grada

Nadležnost Grada proizilazi iz statuta kao jedinice lokalne samouprave.

Statut Grada mora biti u skladu sa Ustavom Federacije Bosne i Hercegovine, ovim ustavom i zakonom i principima koji su tim propisima utvrđeni.

Statutom Grada utvrđuju se i pitanja od vitalnog nacionalnog interesa, u skladu sa principima utvrđenim u Ustavu Federacije i Ustavu Kantona.

Vlastite nadležnosti Grada, su:

- a) osiguranje i zaštita ljudskih prava i osnovnih sloboda u skladu sa ustavom;
- b) donošenje budžeta Grada i organizovanje efikasne gradske uprave prilagođene potrebama Grada;
- c) donošenje programa i planova razvoja Grada i stvaranje uslova za privredni razvoj i zapošljavanje, rad dobrotvornih organizacija i unapređenje turizma;
- d) utvrđivanje i provođenje politike planiranja i uređenja prostora i zaštite okoliša na teritoriji Grada i rješavanje u upravnom postupku u oblasti građenja, u skladu sa zakonom;
- e) utvrđivanje politike korištenja i utvrđivanje visine naknada za korišćenje javnih dobara od interesa za Grad, upravljanje prirodnim resursima od značaja za Grad i raspodjela sredstava ostvarenih po osnovu njihovog korišćenja;
- f) upravljanje i raspolaganje imovinom Grada;
- g) upravljanje, finansiranje i unapređenje djelatnosti objekata komunalne infrastrukture:

- 1) gradska groblja;
 - 2) mostovi od posebnog značaja za Grad;
 - 3) Gradska ulična rasvjeta;
 - 4) gradski parkovi;
- h) odlučivanje o raspolaganju stanovima u vlasništvu Grada i visini zakupnine za korištenje stanova koji su u vlasništvu Grada, propisivanje pravila održavanja reda u stambenim zgradama na području Grada, obezbjeđivanje sredstava za radove radi zaštite objekata od kulturno – historijskog značaja na području Grada, uređivanje i obezbjeđivanje korištenja poslovnog prostora kojim upravlja Grad, utvrđivanje visine naknade za korištenje poslovnih prostora u vlasništvu Grada i vršenje nadzora nad njihovim korištenjem;
- i) određivanje imena ulica i zrgova;
- j) donošenje propisa o uslovima, izgradnji i održavanju spomenika, spomeničkih i sličnih obilježja na području Grada;
- k) osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta od značaja odnosno posebnog interesa za Grad;
- l) utvrđivanje osnova zajedničke politike razvoja kulture, fizičke kulture, sporta, odmora i rekreacije građana na području Grada i organizovanju kulturnih i sportskih manifestacija i sportskih manifestacija i sportskih takmičenja od značaja za Grad;
- lj) analiza stanja javnog reda i mira, bezbjednosti ljudi i imovine, te predlaganje mjera prema organima nadležnim za ova pitanja;
- m) donošenje propisa o porezima, naknadama, doprinosima i taksama iz nadležnosti Grada;
- n) uspostavljanje i vršenje inspekcijuskog nadzora nad izvršavanjem propisa iz vlastitih nadležnosti Grada;
- nj) raspisivanje referenduma za područje Grada;
- o) raspisivanje samodoprinosa, javnog zajma i odlučivanje o zaduženju Grada;
- p) osnivanje i obezbjeđivanje uslova rada gradskih radio i TV stanica, štampanih glasila i drugih sredstava javnog informisanja;
- r) podsticanje razvoja civilnog društva;
- s) zaštita životinja.

Obavljanje pojedinih poslova iz stava 4. ovog člana Grad može, u skladu sa zakonom, povjeriti ustanovama, privrednim društvima, drugim pravnim licima i obrtnicima.

Član 52.

Struktura vlasti u Gradu

Grad ima Gradsko vijeće.

Broj vijećnika, izborna procedura i dužina trajanja mandata gradskih vijećnika se utvrđuje Statutom Grada, u skladu sa Zakonom.

Mandat članova Gradskog vijeća je 4 godine.

Gradske vijećnike biraju, demokratskim putem, birači na neposrednim i tajnim izborima na cijelom području Grada na način utvrđen Zakonom.

Gradsko Vijeće:

- a) priprema i dvotrećinskom većinom usvaja Statut Grada;
- b) donosi budžet Grada;
- c) donosi propise u izvršavanju vlastitih nadležnosti i prenesenih ovlaštenja;
- d) vrši druga ovlaštenja utvrđena ustavom, zakonom i Statutom Grada.

Način odlučivanja Gradskog vijeća utvrđuje se Statutom Grada.

Grad ima gradonačelnika. Mandat gradonačelnika traje koliko i mandat Gradskog vijeća.

Gradonačelnik je nadležan za:

- a) provođenje gradske politike i izvršavanje gradskih propisa, kao i prenesenih nadležnosti;
- b) imenovanje i smjenjivanje državnih službenika i nameštenika;
- c) osiguranje saradnje državnih službenika i nameštenika s ombudsmenima;
- d) podnošenje izvještaja Gradskom vijeću, javnosti o provođenju gradske politike;
- e) vrši i druga ovlaštenja utvrđena zakonom i Statutom Grada.

Gradske organi osnivaju se u skladu sa Zakonom kojim se uređuje organizacija uprave u Federaciji Bosne i Hercegovine.

AMANDMAN LVIII

Dosadašnji članovi 50., 51., 52., 53., 54., 55., 56., 57., 58., 59., 60., 61., 62. i 63. postaju članovi 53., 54., 55., 56., 57., 58., 59., 60., 61., 62., 63., 64., 65. i 66.

Broj:

Predsjedavajuća Skupštine Kantona

Goražde,

Aida Obuća

O B R A Z L O Ž E N J E

I P R A V N I O S N O V

Pravni osnov za donošenje Amandmana XLIX – LVIII na Ustav Bosansko – podrinjskog kantona - Goražde(Službene novine Bosansko – podrinjskog kantona Goražde, broj:8/98, 10/00, 5/03 i 8/04), sadržan je u odredbama člana 23. i člana 62. Ustava Bosansko – podrinjskog kantona Goražde.

II R A Z L O Ž I Z A D O N O Š E N J E

Obzirom da je donesen Zakon o Gradu Goražde koji je objavljen u „Službenim novinama Federacije BiH“, broj:32/17, i kojim se uspostavlja Grad Goražde, određuje njegova teritorija, propisuje svojstvo, organi, način izbora gradskog vijeća i gradonačelnika, uređuje donošenje privremene statutarne odluke, donošenje statuta, raspisivanje izbora i druga pitanja od značaja za primjenu ovog zakona, to se ukazala potreba za donošenje gore pomenutih Amandmana, kako bi se u Ustavu Bosansko – podrinjskog kantona Goražde obrazovao Grad Goražde, kao jedinica lokalne samouprave.

III O B R A Z L O Ž E N J E P R A V N I H R J E Š E N J A

Amandmani XLIX do LV – izvršeno je usklađivanje, odnosno dodavanje Grada Goražda u svim članovima gdje se spominju općine, odnosno prije općina dodaje se Grad Goražde ili samo Grad.

Amandman LVI – Dodano je novo Poglavlje V „Položaj Grada Goražda“ , te zbog toga je izvršeno pomjerenje dosadašnjih Poglavlja u Ustavu Bosansko – podrinjskog kantona Goražde.

Amandman LVII – dodaju se novi članovi 50., 51. i 52. u kojim je obrazovan Grad Goražde, utvrđene nadležnosti Grada Goražda, struktura vlasti u Gradu, nadležnost Gradskog vijeća, mandat Gradskog vijeća i gradonačelnika, nadležnosti gradonačelnika, te osnivanje gradskih organa.

Amandman LVIII – dolazi do pomjerenja članova iz razloga što je dodano novo Poglavlje i tri nova člana.

IV O Č E K I V A N I E F E K T I

Donošenjem ovih Amandmana doći će se do usklađivanja i harmonizacije propisa, a samim tim i u Ustavu Bosansko – podrinjskog kantona Goražde, će se obrazovati Grad kao jedinica

lokalne samopurave, a što je i u skladu sa Zakonom o Gradu Goražde.

V FINANSIJSKA SREDSTVA

Za donošenje ovih Amandmana na Ustav Bosansko – podrinjskog kantona Goražde nisu potrebna finansijska sredstva.